



МЕСЯЦА МАЯ В 30-й ДЕНЬ

Преподобнаго отца нашего Исаакія,
обителя Далматскія

Стихиры, глас 1.

Подобен: Небесных чинов:

Исайскія доброты зря, / и богато наслаждяся
нетленных цветѣц, / прозябл еси мірови
разум Божій: / емуже причащяся, препо-
добне, / духовною любовью, / души
возрастим, Исаакіе.

Воздержаніем тело ограждь, / страстная движенія
умертвил еси, отче, / молитвами и бдении. /
Темже яже в тебе / духовная сила осенивши, /
показя ты мысленна свѣтильника и всемирна.

Монашеское житіе ты уяснил еси, / от пустыни,
отче, возсияв граду, / якоже солнце. / Темже вер-
ныя ученія твоими просветил еси, / благословити
Отца, и Сына, / и Духа Единосущнаго.

Стихиры Богородицы, глас и подобен тойже:

Одержими паденіи ненадежными, Чистая, / Тя
Предстательницу едину имуще, Дѣво, / вопиѣм
благодарственно: / очисти ны, Пресвятая Богоне-
весто, / Ты бо еси міру прибежище / и заступленіе
роду нашему.

Жезлом Твоего предстательства, Богородитель-
нице Чистая, / звериныя страсти окаянныя души
моея отженіи вскоре, / мирно живот мой управля-

ющи, / и святому мя стаду избранных Твоих овец причти.

Согрешений пучиною потопляемь, / к тихому пристанищу Пречистыя Твоея молитвы, Богородительнице, прибег, / взываю Ти: / спаси мя, державную Твою подавши десницу / рабу Твоему, Пренепорочная.

Слава, и ныне, Богородичен:

Нравом гнилым поболзся, ниц лежу / и к Твоей, Деве, притекаю тишине: / от бури сопротивныя / и искушений многообразных мя избави, / да пою Твою благодать непрестанно, / Богородице, Мати Приснодево.

Крестобогородичен:

У Креста предстоящи Сына и Бога Твоего / и долготерпение Того смотряючи, / глаголаше, плачущи, Мати Чистая: / увы Мне, Чадо сладчайшее, / что сий страждеша неправедно, Слове Божий, / да спасеши человечество?

Канон, глас 8.

Песнь 1

Ирмос: *Израиля от работы избавил еси, Господи, / десницею Твоею державною, / яко онаго спасл еси, / ныне нас спаси.*

От пустынных предел приникнув, преподобне, / собрание ереси распленив, святе, / утвердил еси веру Христову.

Давидски пред царь, славне, глаголя, никогдаже постыдился еси, / Христову хотя Церковь утвердити.

В тине прелести, привергся, прехвальне, / яко бисер, просиял еси, зарю Духа уясняем, славне.

Богородичен: *Во утробе зачещи Безлетнаго, Пречистая, от Отца рожденна Сына, / Младенца Сего, Непорочная Деве, породила еси.*

Песнь 3

Ирмос: *Утверди наш ум и сердца, / Небеса словом утверждей, / во еже пети и славити Тя, / во спасение душ наших.*

Труба́ словесна Духа явился еси́, отче, вся созыва́ющи, / якоже на брань, вра́жиим ополче́нием проти́ву ста́ти по́мощию Спа́са Христа́.

Лестви́ца мысленная показáлся еси́, Богоно́се, / к ца́рству веду́щи Вы́шнему восходя́щая ве́рою, / уче́нии твои́ми утвержда́емы в Ду́се.

Гора́ и́стинно я́вствовался еси́ уче́ния, Богоно́се, любóвию Влады́ки, / ко Христо́ве Це́ркви вся собира́я, / сопряже́нныя добродетельми к Нему́.

Богородичен: Ма́ти и́стинно показáлася еси́, о Де́во, / Емману́ила ро́ждши, Бо́га Сло́ва, / Его́же моля́щи не преста́й, безму́жная Неве́сто, / благо-словенная Богороди́це Чистая.

Седáлен, глас 4.

Подóбен: Премудрости:

Тученосный о́блак духо́вный явился еси́, преблаже́нне, сущим на земли́, / напая́я, я́ко бразду́, ве́рных серде́ц: / обте́к же концы́ Божественными словесы́ твои́ми, / дождь уче́ний источи́л еси́, премудре, / те́мже, я́ко пото́ки, всех серде́ц благово́ние Ду́ха / богомудренно израсти́л еси́, Богоно́се Исаа́кие, / моли́ Христа́ Бо́га грехо́в оставле́ние подáти / чту́щим любóвию святу́ю па́мять твою́.

Сла́ва, и ны́не, Богородичен:

Я́ко Всенепоро́чная Неве́ста Творцу́, / я́ко Неискусому́жная Ма́ти Изба́вителя, / приятелище я́ко сущи́ Уте́шителя, Препе́тая, / беззакóнию мя суща́ скверное обите́лице и бесо́м игра́лице в ра́зуме бывша́, / потщи́ся от тех злоде́йства мя изба́вити / и све́тлое жили́ще добродетелей соверши́, Светоно́сная Нетле́нная, / отжени́ о́блак страсте́й и Вы́шняго прича́стия сподо́би / и Све́та невече́рняго моли́твами Твои́ми.

Крестобогородичен:

А́гнца, и Па́стыря, и Изба́вителя А́гница зря́щи на Кресте́, / восклицáше, пла́чущи, и, го́рько рыда́ющи, вопия́ше: / мир у́бо раду́ется, прие́мля Тобо́ю избавле́ние, / утроба́ же Мо́я горит, зря́щи Твое́ распя́тие, / е́же терпи́ши за милосе́рдие мило́сти. / Долготерпели́ве Го́споди, мило́сти бездно́ и исто́чнице неисчерпа́емый, / умилосе́рдися и

даруй согрешений оставление / верою поющим
Божественныя страсти Твоя.

Песнь 4

Ирмос: Услышах слух силы Твоея, / и возвесели-
ся сердце мое / о Господе.

Ангелоподобно на земли показавый житие, /
ликующи с Небесными силами.

Первое ты монахов настоятель быв, / из пусты-
ни, Богомудре, сущим во граде образ показался
еси, славне.

Память твоя воистинну ныне, Исаакие отче, /
веселит сердца поющих тя.

Богородичен: Богородице, и ныне, яко присно, /
от враг беззаконных молитвами Твоими свободи
рабы Твоя.

Песнь 5

Ирмос: От ночи неведения / Боговедением прос-
ветивый концы, / просвети мя утром человеколю-
бия Твоего, Господи.

От пустыни воистинну, якоже звезда светла,
возсиял еси / и еретическую ночь учения твоими
отгнал еси.

Бразды удержав коня Валентова, прехвальне, /
скотский разум обличил еси, яве посрамив его.

Главу твою, отче, жезлием положил еси ураня-
тися, / мысленно веры твоея главу держа, Христа
Бога.

Богородичен: Херувим явльшиися честнейши,
Дево Всепетая, / моли Сына Твоего спасти души
поющих Тя.

Песнь 6

Ирмос: Ри́зу мне подаждь светлу, / одейся
светом, яко ризою, / Многомилостиве Христе́ Бо́же
наш.

Прорекл еси Валенту, мудре, мерзкую смерть
проразумением Духа / и явился еси воистинну
пророк славен.

Лопатою веры верных, яко пшеницу, собрал
еси, / Валента, яко плёвы в плёвнице, запалил еси
молитвами твоими, мудре.

Угладил еси скрижали сердечныя véрою послушающих тебе, Богомудре Исаакие, / начертав на них правосла́вия образ.

Богородичен: Яже еди́на словом плотию Слово рождши, / изба́ви, мо́лимся, сетей вражних ду́ши наша.

Конда́к, глас 8.

Подобен: Яко нача́тки:

Яко уго́дник Бо́жий ве́рный, / по Христо́ве Цёркви ре́вностию разже́гся, / бразды Ва́лен-товы удержа́в, / проро́чески тому́ о затворе́нии Цёркве па́губную смерть предрéкл еси́, преподо́бне. / Те́мже при́сно моли́ о нас, чту́щих тя, Исаа́кие преподо́бне.

Песнь 7

Ирмо́с: *В нача́ле зёмлю основа́вый / и небеса́ словом утверди́вый, / благословён еси́ во ве́ки, / Го́споди Бо́же оте́ц на́ших.*

По́давый преподо́бному Твоему́ сло́во обличи́тельно к мучи́телеве зло́бе, / благословён еси́ во ве́ки, Го́споди Бо́же оте́ц на́ших.

Во све́тлей пра́ведных сла́вно оби́тели водворя́ясь, о́тче, вопи́еши Зижди́телю: / благословён еси́ во ве́ки, Го́споди Бо́же оте́ц на́ших.

О́тче честный, Спа́су моли́ся о нас немол́чно, не престая́, / изба́витися вся́кия бе́ды и неотъёмле́мая жи́зни улу́чити ста́ду твоему́.

Богородичен: Иже во утробу Де́вы всели́выйся и в ней Ада́ма назда́вый, / благословён еси́ во ве́ки, Го́споди Бо́же оте́ц на́ших.

Песнь 8

Ирмо́с: *Безнача́льнаго Ца́ря сла́вы, / Его́же тре́пещут Небе́сныя си́лы, / по́йте, священни́цы, / лю́дие, перевозно́сите во вся ве́ки.*

Показа́вшего правосла́вныя ве́ры поборо́ника, Исаа́кия, / вси по́йте, священни́и, лю́дие, перевозно́сите во вся ве́ки.

Яко овча́ словесное, от пусты́ни пришёл еси́, / отгоня́ звери́ от ста́да Христо́ва, / водворя́тиса в ме́стех пусты́х прогоня́.

**Не убоялся еси Вáлентовы, óтче, лю́тыя и злѣя
я́рости крѳтостію душі, / дѣйствоваше бо в тебѣ
Дух Истины.**

Богорѳдичен: Жѣзни из Тебѣ отсечѣся Кáмень,
якоже пѣшет, / без руки челоуѣчи, Пресвятáя
Чѣстая, / Бог, благоволивый в Тя вселѣтся.

Песнь 9

Ирмос: Тя, Богорѳдицу, / Мáтерь Свѣта, / в пѣс-
нях велича́ем.

**Сокрушил еси силы безбожных державно / кре-
постию Божественнаго Духа.**

**Разрушил еси веры союзом / союзныя ересей
полки.**

**Исаакіе Богомудре, / помина́я к Бо́гу не пре-
ста́й, е́же спасти нас.**

Богорѳдичен: Рождество́ Твое́, Дѣво, / е́же в
печа́лех рождѣние Ёвы претвори́.

Святой преподобный Исаакий, исповедник Далматский, жил в IV веке. После принятия монашеского пострига он совершал иноческие подвиги в пустыне. В годы царствования императора Валента (364—378), который был сторонником ереси арианства, начались преследования православных, закрывались и разрушались храмы. Когда весть о гонении дошла до преподобного Исаакия, то, как повествуется в кондаке святому, «яко угодник Божий верный, по Христове Церкви ревностию разжегся», святой Исаакий покинул пустыню и пришел в Константинополь для утешения и духовного укрепления православных.

В то время племена готов начали войну против Византии и, захватив Фракию, отправились на Константинополь. При выходе византийских войск из столицы, преподобный Исаакий обратился к императору Валенту с такими словами: «Царь, отопрѣ храмы православным, и тогда Господь поможет тебе!» Трижды повторял преподобный свою просьбу и пророчество, однако император не обращал внимания на слова монаха и самоуверенно продолжал путь. Более того, рассерженный Валент приказал бросить преподобного Исаакия в глу-

бокий овраг, поросший колючим терновником; выйти из него было невозможно, так как на дне оврага было болото.

Однако преподобный помощью Божией остался жив. С трудом он выбрался из рва, догнал императора и снова сказал ему: «Ты хотел погубить меня, но святые ангелы вывели меня из пропасти. Послушай меня, открой храмы православным и победишь врагов своих. Если же не послушаешь меня, то не возвратишься живым, но погибнешь в огне». Император удивился смелости старца и приказал своим приближенным Сатурнину и Виктору взять преподобного и содержать в заточении до своего возвращения. Пророчество святого вскоре сбылось: в сражении готы стали одерживать победу и преследовали греческие войска, а укрывшийся в сарае с соломой император вместе с военачальником-арианином были сожжены наступающими. Так преподобный Исаакий «явился воистину пророком славным». Вскоре после известия о гибели императора святой был освобожден и отныне почитался как пророк Божий.

Святой Феодосий Великий (379—395) после своего избрания на царский престол призвал к себе преподоб-

ного старца Исаакия по просьбе Сатурнина и Виктора и, встретив его с великой честью, просил его благословения и святых молитв.

По совету преподобного император созвал Второй Вселенский Собор в 381 году в Константинополе, на котором святой Исаакий был решительным противником ереси арианства. После окончания собора сторонники еретика Ария были изгнаны из Константинополя, а храмы были возвращены православным.

Преподобный Исаакий хотел возвратиться в пустыню, но Сатурнин и Виктор просили святого не покидать города и ограждать его своими молитвами. Для этого они построили старцу жилище в предместье Константинополя. К святому Исаакию стали собираться иноки, и постепенно на месте их поселения возникла обитель, игуменом и духовным наставником которой был сам преподобный. Он духовно кормил также и мирян, помогая бедным и страждущим.

Достигнув глубокой старости, преподобный Исаакий поставил вместо себя игуменом преподобного Далмата (память 3 августа), по имени которого и стал называться монастырь. Кончина преподобного Исаакия последовала в 383 году (по другим источ-

никам, между 390—400 гг.). Мощи его вначале были положены в храме святого Стефана, располагавшегося неподалеку от Далматского монастыря, а впоследствии перенесены в храм Всех святых.

Святая Церковь празднует память святого Исаакия 30 мая и 22 марта. Известно, что во имя преподобного Исаакия Далматского император Петр I построил известный Исаакиевский собор в Петербурге, так как Петр I родился 30 мая — в день памяти преподобного Исаакия.

Литература

1. Святитель Димитрий, митрополит Ростовский. Жития святых. Т. 9. М., 1908.
2. Филарет (Гумилевский), архиепископ Черниговский. Жития святых, чтимых Православной Церковью. Май. СПб., 1885.
3. Бахметева А. Н. Избранные жития святых. Т. 9. Май. М., 1859.
4. Дестунис С. Жития святых. Май. СПб., 1892.
5. Гурьев В., священник. Четьи-Минеи в поучениях на каждый день года. Март, апрель, май. М., 1896.
6. Настольная книга священнослужителя. Т. 3. М., изд. Московской Патриархии, 1979.



В
ТОЙЖЕ
ДЕНЬ

**Пренесёние мощей от земных недр
в церковь Преображения Господня
иже во святых отца нашего и исповедника
Филиппа, Митрополита Московскаго и всей Руси**

НА МАЛОЙ ВЕЧЕРНИ

На Господи, возвах: стихиры, глас 1.

Подобен: Небесных чинов:

Небесным светлостью озаряемь, / боговиденьми
достойно сияя, / священства саном почтен,
Богомудре, / и Божественнаго сподоблен блаженства,
/ не престай моляся Христу / о чтущих святую
память твою.

Небѣснаго весѣлія соприча́стник, / мѣсленых сил зритель быв, ѳтче, / зарю́ Божѣственную при́ят чудѣс дарова́ний, / тя обогаща́юще, / не преста́й моля́ся Христу́ / о чту́щих святу́ю па́мь твою́.

Небѣсныя ра́дости присно наслажда́ясь, / Богому́дре святителю́ Фили́ппе, / неприкоснове́ннаго Свѣта луча́ми Божѣственными сия́я, / не преста́й моля́ся Христу́ / о чту́щих святу́ю па́мь твою́.

Сла́ва, глас то́йже, самогла́сен:

Река́, и́же в тебѣ, духо́вных дарова́ний / церко́вное напо́ет исполне́ние. / Многосвѣтлое со́лнце яви́ся ми́рови, / чудѣс заря́ми облиста́еши, / ѳтце́м украше́ние, святителю́ Фили́ппе, / и ны́не в че́стнѣм твоѣм пренесе́нии / цельбоно́сная ра́ка мо́щѣй твои́х / исто́чник яви́ся приснотеку́щий, / ве́рным источа́я во́ды исцеле́ний, / Го́споду ты прославля́юще / и е́же То́го ра́ди по́двиги тво́я всем показу́юще, / Егѳже моли́ о чту́щих святу́ю па́мь твою́.

И ны́не, Богоро́дичен.

На стихѳвне стихи́ры, глас 2.

Подѳбен: До́ме Евфра́фов:

До́м Пресвята́го Ду́ха яви́ся, / ѳт ю́ности до́льняя презре́в, / я́ко не су́ща, / к Бо́гу еди́ному ум вперил еси́, / святителю́ Фили́ппе.

Стих: Священни́цы Тво́и облеку́тся в пра́вду, / и преподо́бнии Тво́и возра́дуются.

До́м чистоты́ богоде́ланен / и храм одушевлѣн, / вселе́ние Христо́во / был еси́ ѳт ма́терних пелѣн, / святителю́ Фили́ппе.

Стих: Че́стна пред Го́сподем / смерть преподо́бных Егѳ.

До́м добродѣтелей / и Божѣственныя премудро́сти быв, / уясни́л еси́ сла́ву Христо́ву / жити́я свѣтлостію, / святителю́ Фили́ппе.

Сла́ва, и ны́не, глас и подо́бен то́йже:

До́ме святы́я сла́вы, Влады́чице, / воздежи́ пречи́стыя Сво́я ру́це / ко из Тебѣ ро́ждѣнному Душело́б-

цу и Содѣтелю / и моли́ся со святѣтелем / помѣлова-
ти и спасти́ ду́ши на́ша.

Тропа́рь пи́сан на вели́цей вече́рни.

НА ВЕЛИ́ЦЕЙ ВЕЧЕ́РНИ

На Го́споди, воззва́х: стихи́ры, глас 4.

Подобен: Я́ко до́бля:

**Я́ко со́лнце незаходи́мое, / столп светоявлѣн
Правосла́вия, / любве струю́ неисто́щиму́ю, / бога́т-
ство некра́домо благоче́стия, / церко́вное утвер-
жде́ние, / свети́льника, чуде́с луча́ми сия́юща, /
духо́вными арома́ты в честне́м того́ пренесе́нии
ве́рных серде́ца облагоуха́юща, / Божѣственнаго
Фили́ппа ублажи́м.**

**Я́ко свещу́ неугаси́мую, / исто́чник дарова́ний
приснотеку́щий, / чудесе́ы напо́яющ всю подсо́л-
нечную, / Божѣственный орга́н и светно́сный, /
исповѣдания цевни́цу Боговеща́нную, / ре́вности
угль Богоси́янный, / суемудренных шата́ний обли-
чителя, / священнаго Фили́ппа честное́ воспо́ем
пренесе́ние.**

**Я́ко лоза́ живино́снаго виногра́да, / кра́сны пло-
ды́ прине́сл еси́, / священства и страда́ния бли-
ста́ньми украша́ясь, / Богонача́льным трисо́л-
нечным озра́емь сия́нием, / я́ко звезда́ светлооб-
ра́зна, / на твёрди церко́вней сия́еши све́тлостию
чуде́с твои́х, / Богомудре святѣтелю Фили́ппе, /
пѣсньми воспева́ем честное́ твоё пренесе́ние.**

**Я́ко рай присноцвету́щ и благоси́янен, / я́ко цвет
проле́тный* неувяда́емь, / исцелѣ́ний исто́чник
неисчерпа́емь, / цельбоно́сная и священна́я ра́ка
моще́й твои́х, / Фили́ппе, святѣтелю Богосве́тлый,
ми́ру свети́льниче, / воспева́ющих тя любóвию в
честное́ твоё пренесе́ние / серде́ца напая́ет благо-
да́тию.**

Сла́ва, глас 8:

**Днесь пресве́тлая нам возсия́ па́мь / всебла-
же́ннаго отца́ на́шего Фили́ппа. / Прииди́те, о
празднолю́бцы и святѣтеле́й сосло́вие, / духо́вный
лик соста́вим, / во псалме́х и пѣни́их
ликовству́юще / и чуде́сную того́ превожде́ленную**

* проле́тный — весенний.

нам лобызáюще рáку, сйце рцем: / рáдуйся, много-
ценнаго мйра ковчéже животвóрный, / облагоухáя
нас Божéственными аромáты. / Рáдуйся, одушев-
лённаго злáта хранило всеосвящённое / и вино-
гáде духóвный, / имéя в себé плод
присноцветúщий — / Богонóснаго отцá цельбонóс-
ныя мóщи, / йхже любéзне целúюще, вёрнии, тёпле
возопийм: / о святителем и страдáльцем украше-
ние, / святým Ангелом равностоителю, / моли́ Хри-
стá Бóга о воспеváющих присно / рáдостную и
свящённую пáмять твою.

И ныне, Богорóдичен: Царь Небéсный:

Вход. Прокймен дне. И чтéния 3 святительская
(зри страницы 488—490).

На литйи стихйры, глас 1:

Гусль сладкоглагóланная, / исповéдания труба́
богодохновéнная, / святителю óтче, был есй, / неиз-
речéнным Пресвятáго Дúха обогатйся сиянием, /
рévности Божéственныя испóлнися, / якоже тьму
нёкую нёмощну, / свéта нашéствием разсы́пал есй
суемúдренных шатáния, / свётлостию словéс твоих
вёрных сердцá утвердил есй, / тёмже честнóе твоё
воспеváюще пренесéние, / Божéственнаго челове-
колю́бия улúчити мóлимся / твоими к Бóгу молйт-
вами.

Глагóл твоих ору́жием / лукаваго супротивобóр-
ца уязвил есй, / всеорúжством Дúха победил есй
льстйвное врагá супротивлéние / и, тогó меч
истóрг, / пробóл есй нёмощнóе тогó ополчéние, /
сегó рáди, обличив лесть, / за Христа́ пострадáл
есй, / тёмже честнóе твоё воспеváюще пренесé-
ние, / избáвитися мóлимся сверéпства лукаваго / и
Божéственнаго улúчити человеколю́бия / твоими к
Бóгу молйтвами.

Глáсы священнословéсными / честнóе мощей
твоих пренесéние / рáдостною мýслию воспеváем,
святителю: / явился есй добродéтелей забрáло
непоколебймое, / струями слез твоих душéвную
браздú изрýдно напоил есй, / неуклóнною мýслию
ко Христу́ возрév, / желáемаго тобою́ блажёнства
достйгл есй, / тёмже, воспеváюще тя, мóлимся /

Божественнаго улучшить человеколюбия / твоими к Богу молитвами.

Слава, глас тойже:

Достойными доблестей твоих / благодати дар приял еси, / ниже гроб, ходатай забвения, / лучу твоих добродетелей возможно покрыти глубиною молчания, / но, яко солнечныя лучи, / Богодарованная твоя чудеса трубы образом вопиют, / всем являюще яже о Бозе ревности твоя и страдания. / Ликовствует ныне Церковь Господня, / имея в себе пренесенное неистощимое сокровище — / всечестныя мощи твоя, / благодатных луч сияний исполнены, / ихже любезне лобызающе, / молимся Божественнаго улучшить человеколюбия / твоими к Богу молитвами.

И ныне, Богородичен.

На стиховне стихиры, глас 5.

Подобен: Радуйся:

Радуйся, священная главо, / Православия столпе неподвижимый, / Троицы чистое жилище, / церковное утверждение, / невещественным светолитием сияя, / верных чудес лучами озаряеши, / Небесный человеке и земный Ангеле, / Христу молися, святителю и исповедниче, / празднующим верою и любовью / честное мощей твоих пренесение / даровати мир и велию милость.

Стих: Уста моя возглаголют премудрость / и поучение сердца моего разум.

Радуйся, иже, Божественною ревностию распаляемь, / разорил еси тьму нечестия, / мудростию словес твоих царя мужески обличил еси, / православных единение утвердил еси, / Пресвятаго Духа обогатився сиянием, / уяснил еси всем Божественное веление, / апостолом единообразне, / Христа моли, святителю и исповедниче, / воспевающим честное твоё пренесение / даровати мир и велию милость.

Стих: Уста праведнаго поучатся премудрости / и язык его возглаголет суд.

Радуйся, священный уме, / Пресвятаго Духа благовонный сосуде, / Церкви светлое украше-

ние, / Христовым заповедем известный хранитель, / Того законоположением последуя, / яко истинный пастырь / о искренних спасении евангельски душу положил еси, / страдальческим венцем увязеся, / Христа моли, святителю и исповедниче, / празднующим честное твоё пренесение / даровати мир и велию милость.

Слава, глас тойже. Самогласен:

Вострубим трубою песней / и възграем празднственная, / вопиет бо днесь светло Божия Церковь святая, / к духовному веселию созывает, глаголющи: / приидите, о празднующи, / и срадуитесь со мною, / яко сотвори мне величие Сильный, / воздаде ми красоту моего благолепия — / Божественную леторасль* и грозд винограда духовнаго, / егоже насадих воздержанием в земли боготворнаго смирения / и напоих слезами умиления. / Процвете же цветы священных добродетелей / и принесе гобзованен и красен плод страдания. / Снцева доброта моего благолепия, / еюже мя украси днесь Жених Небесный, / красный добротою паче сынов человеческих, / Емуже, вернии, возопием: / о Благий всех Господи, / прославляемый снце во святых Своих / Твоего служителя молитвами, / чтущим святое пренесение / низпосли Твое человеколюбие, / яко да милость и благодать обрящем в День Судный.

И ныне, Богородичен:

Вострубим трубою песней: / преклоншеся бо свбше, Всецарица, Мати Дева, / благословенными венчавает воспевающих Ю. / Вернии люди да стекутся, / и Царице да воспещут в песнях, / Царя рождшей, / Иже смертию одержимыя पहले разрешити человеколюбно благоизволившаго. / Пастырие и учителя, / Добраго Пастыря Пречистую Матерь, сошедшеся, восхвалим, / свещник золотарный, светоносный облак, / Небес пространнейшую, / одушевленный же кивот, огнезрачный Владычень Престол, / манноприемную золотую стам-

* леторасль — отросток, побег дерева.

ну, / заключённую Сло́ва дверь, / всех христиа́н
прибежище, / пёсньми Богогласными похваляюще,
си́це рцем: / пала́то Сло́ва, / сподоби смиренных
нас Небёснаго Ца́рствия, / ничто́же бо невозмож-
но ходатайству Твоему́.

Тропа́рь, глас 5:

Радостный возсия́ день свётлаго торжества́: /
днесь церко́вная расширятся недра, / приём-
люще духо́вных даров неоскудеемо боготво́рное
сокро́вище, / струю́ благодатей неисчерпа́емую, /
исто́чника чудесём обильна, / чудотвори́выя и
священныя мо́щи тво́я, / святителю Фили́ппе. / Тем
же моли́ просла́вившаго тя Дарода́теля Христа́
Бо́га / о воспева́ющих тя / и кла́няющихся священ-
ным мо́щем тво́им.

НА УТРЕНИ

**На Бог Господь: тропа́рь святителя, два́жды.
Сла́ва, и ны́не, Богоро́дичен.**

По 1-м стихосло́вии седа́лен, глас 1:

Яко звезда́ днесь пресвётла, от земных недр
возсия́л еси́ / и Це́рковь Бо́жию украси́л еси́, /
сия́нием Божёственных дарова́ний просвеща́еши /
ду́ши ве́рою и любо́вию песносло́влящих тя, свя́ти-
телю, / огнепа́льная страсте́й на́ших стремле́ния
ороша́я Божёственными тво́ими моли́твами.

Сла́ва, и ны́не, Богоро́дичен:

Яд зми́ин, вше́дший го́рько во у́ши Е́вы, / потре-
би́ла еси́ Божёственным Рожде́ством Сво́им, Прес-
вята́я Де́во Влады́чице, / го́ро Бо́жия благослове́н-
ная, / ю́же Богооте́ц воспёт, ту́чную и усыре́нную,
всем земным украше́ние, / изба́ви нас от се́ти
льсти́ваго Божёственными Тво́ими моли́твами.

По 2-м стихосло́вии седа́лен, глас 4:

Божёственным светолитием просвети́ вся, / я́ко
уголь мы́сленный, разжжётся тепло́тою Ду́ха, / мраз
бесовский растопи́л еси́ цвето́м воздержа́ния, / я́ко
фи́никс, процветé, ми́ро благово́нно от честных

твоих мощей источаеши, / Божественными ароматы благоухая всех воспевающих тя.

Слава, и ныне, Богородичен:

Божества приятелище, златозарный и светоносный облаче, / Серафим честнейши воистинну, Богоотроковице Всепетая, / затвореная Слова дверь, / еюже прошед Плотносец, Един Господь, Бог Израилев, / спасаая всех, воспевающих Тя.

По полиелееи седален, глас 8:

Углыми чистоты душу очистив, / Свету невещественному приближися, огнем Духа распалаяся, / меч обоюдобр явися, посекая злославных веления, / Божественною ревностию зельне дыхая, / яко вещь удобь палимую, огнем попалил еси суемудренных смислы, пламенем словес твоих, / Филиппе святителю, моли Христа Бога грехов оставление даровати / празднующим любовью священное честных твоих мощей пренесение.

Слава, и ныне, Богородичен:

Угль Божества неопально приемши, / Великаго Совета Ангела, возсиявшаго безлетно от Отца, родила еси плотию, / Божий граде одушевленный, Неискусобрачная Дево Владычице, / и на руку яко Младенца носила еси, / на плещу Херувимску страшно носимаго, / Егоже, Препоблагословенная, моли согрешений оставление даровати / воспевающим достойно славу Твою.

По 50-м псалме стихира, глас 6:

Человече Божий и верный рабе, / слуго Господень, / мужу желаний, / сосуде избранный, / столпе и утверждение Церкви, / Царствия наследниче, / не премолчи, вопия о нас ко Господу.

Канон, глас 1.

Песнь 1

Ирмос: Столпом огненным и облачным Израиля наставляй яко Бог / море разверже, / колесницы же фараоновы глубиною покры, / пойм песнь победную, / яко Един прославися.

Аврааму явивыйся трисоставен, Единица, естеством неслиянна, / Трисиательный Божества Свете, / неприступнаго Твоего сияния лучею мрачный ми ум просвети, молюся, / Твоего святителя священных мощей воспети честное и святое пренесение.

Божественный орган духодвижимый быв, священне, / духовным бряцалом ударяемь, Содетеля воспевая, / отверзи ми уста благодатию, / да радостною душею воспую ти песнь хваления / в честное и святое твое пренесение.

Веселится Церковь Божия в радостотворный сей день, / яко царствия багрянницею красящаяся, приемши мощи твои в себе, святителю, / чудес Божественными действия облиставша цельбоносней твоей раце поклоняющихся, / верою и любовью воспевающих честное и святое твое пренесение.

Богородичен: Глас Архангелов вопиём Ти: / радуйся, облаче Солнца славы, Обрадованная в женах, Всепетая Царице Богородице, / Славы присносущная селение, / славы венца сподоби воспевающих верою служителя Твоего честное и святое пренесение.

Песнь 3

Ирмос: Утверди мене, Христе, на недвижимом камени заповедей Твоих / и просвети мя светом лица Твоего: / несть бо свят, паче Тебе, Человеколюбче.

Духа благодатных луч сиянием днесь, яко солнце, / от земных недр возсияша честныя твои мощи, святителю, / яко кипарис мироуханен благоухают поющих Господеви: / несть свят, паче Тебе, Человеколюбче.

Естества пределы прешед безвещным житием, / плотный на земли Ангел был еси, / яко крин, миродохновенен, добродетельми процвети, / благобно миро от честных твоих мощей источаеши, / благоухая души поющих Господеви: / несть свят, паче Тебе, Человеколюбче.

Богородичен: Законы естества упразднишася о Тебе, Богоблагодатная, миру Владычице, / паче бо

ума и слова Законодавца без семени родила еси, / обожившаго земнородных существ, вопиющих Ему: / несть свят, паче Тебе, Человеколюбче.

Седален, глас 8:

Яко крин, в мысленных селех процвел еси, на колеснице добродетелей взимаяся, / страдания высоты достигл еси, ревностию Божественною распалюемь, / яко Света сын возлюблен, тьмы начальника посрамил еси, / разсыпав того коварства твердостью словес твоих / терпения столп непреклонен явися, за истину пострадав, / низложил еси суемудренных шатание, / Филиппе святителю, моли Христа Бога грехов оставление подати / поющим честное и святое твое пренесение.

Слава, и ныне, Богородичен:

Яко Всенепорочная Невесто Творца, / яко Неискусомужная Мати Избавителя, / приятелище яко сущи Утешителя, Всепетая, / беззаконию мя суща скверно жилище / и демонов игралище, в разуме бывша, / потщися от сих злодеяния мя избавити, светло жилище добродетельми соделавши, / Светодательная и Нетленная, разжени облак страстей / и Вышняго причастия сподоби, и света невечерняго молитвами Твоими.

Песнь 4

Ирмос: Рода человека обновление / древле, поя, пророк Аввакум предвозвещает, / видети неизреченно сподобився образ: / младый Младенец бо из горы — Девы, изыде / людей во обновление, Слово.

Землю, яко тления жилище, оставив, / премирнаго Царства достигл еси, / рай добродетелей возделав непорочно, венец страдания нося, / в чертозе славы неизреченныя возлеже, с лики Безплотных водворяяся.

Иже добу плещущи* мудрованием, / зряще тя устав непревратен веры и Православия столп одушевлен, / воистинну дивляхуся, како воистин-

* плещущии — ползающие.

не прѣбыл еси непреложен / и, яко злато, искушено
язвенным горнилом, очищся, святителю.

**Иисуса, Владыки своего, законоположением
последуя, / того Божественное подобие в себе
воображая, / душу о стаде положил еси, жертва
всеосвященна принесеса Богу, / и, яко миро
благовонно, весь преложился еси в воню благо-
ухания.**

Богородичен: К Твоим щедротам прибеже, о
Света приятелище, раю прекрасный, / посреде
имый древо живота—Христа Иисуса Господа,
Дево Владычице, / не престаи Того молящи, / яко
да милостив будет ми в День Судный.

Песнь 5

Ирмос: От нощи утренююще, поем Тя, Христэ, /
Отцу Собезначальна и Спаса душ наших, / мир
мирови подаждь, Человеколюбче.

Лик страстотерпческий веселится / и ликует
святителей собор и праведных, совсельника тя
приемше, блаженне, / с нимиже в невечернем свете
ликуютши, венцем исповедания светло украшаемь, /
моли о воспевающих верою святое твое пренесе-
ние.

Небосажденна лоза, при Божественных исходя-
щих любезных вод прозябл еси, / гобзованен плод
благочестия добродетелей, / вкупе и чудес пода-
вая к цельбоносней твоей раце притекающим, /
верою и любовью воспевающим святое твое пре-
несение.

Богородичен: Огнеобразная колеснице Слова,
Пречистая Дево Владычице, / рождающая человеком
Кормчию и Господа, / страстей наших непостоян-
ное и лютное отжени смущение, / Тя бо непобориму
Предстательницу стяжахом, сущую Богородитель-
ницу.

Песнь 6

Ирмос: Яко Иону пророка, / возведи, Христэ
Боже, живот мой от тли, / вопию Ти, Человеколюб-
че, / яко жизнь у Тебе есть, / и нетление, и сила.

Путь морской неистовящийся* жития текущих

* неистовящийся— бурный, сильно бушующий.

молв пѣнами невла́жно прешѣл еси́, / безплóтным житиѣм тѣло, я́ко звѣря, обузда́л еси́, / столп о́гненный чистоты́ яви́ся, / прешѣл еси́ на зѣмлю обетова́ния и к самому́ возвы́сися Бо́жию селѣнию.

Разрѣшшимся зерца́лом плотскѣм ны́не не в гада́ниих, / лицѣм же па́че к лицу́ зриши сла́ву, ю́же возжелѣл еси́, блаже́нне, / в черто́зе Вѣшняго Ца́рствия Жениху́ Безсме́ртному досто́йно свеселѣ́ся, святи́телю Богоблаже́нне.

Свѣтлостію житія́ поднебѣ́сную освети́л еси́, / Ду́ха Свята́го це́рковь быв, свяще́нне, / высоко́творным по́йстинне смире́нием на высоту́ вознесе́ся добродѣ́телей, / я́ко ѳстинен священнотай́нник, заре́ю благода́ти сия́я, / чѣсто Бо́гови принѣсл еси́ служѣ́ние.

Богорóдичен: Тя, Всенепорóчная, Ма́ти Присноде́во, спасѣ́ние позна́хом, земнорóднии, / Сы́на бо, безлѣ́тно от Отца́ возсия́вшаго, / несказáнно родила́ еси́. / Того́, Чѣстая, я́ко Бо́га моля́щи не престáй / спасти́ ве́рою Тя я́ко ѳстинную Богома́терь велича́ющих.

Конда́к, глас 3:

Я́ко со́лнце, днесь от земныхъ недр возсия́ша / честны́я твоѣ́ мóщи, святи́телю. / Зѣмлю же и возду́х шѣстви́ем твоѣ́м освети́л еси́ / и всех ве́рных чудѣ́с богозна́меньми облистáл еси́, / чудотворецъ предѣ́вен и моли́твенник к Бо́гу о ми́ре изы́щен яви́ся. / Сего́ ра́ди вопиѣ́м ти: / спасáй нас те́плым своѣ́м предста́тельством, / я́ко учени́к Бо́жия благода́ти.

Ўкос:

Я́ко воѳстинну Божѣ́ственною и непреобори́мою си́лою Уте́шителя обóлкся, / гро́мом словѣ́с твоѣ́х разруши́л еси́ крѣ́пость льсти́ваго, / столп Правосла́вия непоколеби́м яви́ся, / на зла́це кра́сне оте́ческих преда́ний пребыва́ти ста́до своѣ́ наставля́я твёрдostíю ра́зума непреклóнно, / по ѳ́стине побора́я, му́жески царя́ обличѣ́л еси́, / ѳ́мже в заточѣ́ние отсыла́емь, непра́ведно от престóла отгоня́ешися, / нов, я́ко вторы́й Златоу́ст, она́го бо подобни́к по́двигом показáся, блаже́нне. / Во изгна́нии мно́ги

скóрби и беды подъял еси, / дóблественне терпя
разлучéние вручénнаго ти ста́да, / о нёмже стра-
да́льчески кончи́ну подъял еси; / к нему́ же днесь
а́бие Бóжиим мановéнием возвраща́ешься ра́до-
стно, / чудесы́ озаряя вопи́ющих ти véрою: / спаса́й
нас тёплым своимъ предста́тельством, / я́ко учени́к
Бóжия благода́ти.

Песнь 7

Ирмос: *Образу служи́ти / мусики́йскому согла-
сию созыва́ющу лю́ди, / от пёсней сио́нских пою́ще
оте́чески, о́троцы Дави́довы / мучи́телево разори́-
ша злочести́вое велéние / и пла́мень в рóсу прело-
жи́ша, / песнь воспева́юще: / превозно́симый отце́в
и наш Бóже, благословéн еси.*

Ум вла́дыку поста́вль, стремлéние па́губных
страсте́й удержáл еси, / безстра́стия рíзою укра́-
шен, к вéчной ра́дости востéкл еси, / со Ангелы в
невечёрнем свéте ликовству́еши, вопи́я: / превоз-
но́симый отце́в Бóже, благословéн еси.

Фарао́на мýсленнаго и триста́ты его́ бёсы пото-
пи́л еси ре́ками слез тво́их, / христопо́добным
тво́им смире́нием возвы́шенную то́го горды́ню
низложи́л еси, / у Престо́ла всех Царя́ ликовству́-
еши, вопи́я: / превозно́симый отце́в Бóже, благо-
словéн еси.

Хва́лящим тя усéрдно и тща́щимся поклони́тися
свяще́нным мо́щем тво́им в честнóе твоё пренесе́-
ние, / волну́ясь пéнами, а́бие водостла́нен* гроб
бысть, / сквозé мо́ре Бóжиим повелéнием сих, о
но́вый Боговíдче, / жезло́м богоприя́тных тво́их
моли́тв к земли́ и́стинней обетова́ния преводи́ши,
пою́щих: / превозно́симый отце́в Бóже, благосло-
вéн еси.

Богородичен: *От Безнача́льна Отца́ безлётно
возсия́вшаго Сы́на / несказáнно родила́ еси, Чи́-
стая Дéво Влады́чице, / и, рóждши, Дéвою пребы-
ва́еши, / вся бо твори́т Соприсносу́щный Отцу́ из
Тебе́ Плотно́сец прошéдый, / спаса́яй вопи́ющих
Ему́: / превозно́симый отце́в Бóже, благословéн
еси.*

* водостла́нен — покрытый водой, затопленный.

Песнь 8

Ирмос: *В пламени огненне горящая пещи / сохранишаго дети / и во зраце Ангела снишедшаго к ним, / пойте Господа / и превозносите Его во веки.*

Цельбам источник приснотекущий, / благодатных дарований богатотворное сокровище, / прокаженным очищение, слепым свет явися священная твоя рака, святителю, / и всем врачество безмездно, верую притекающим и зовущим: / пойте Господа и превозносите Его во веки.

Честная мироположница Пресвятаго Духа цельбоносная твоя мощи, святителю, / чудес пучина неисчерпаема явися, / яко чаша всезлата, пиво Божественное точащи / и веселящи души в честнем твоём пренесении воспевающих тя верую и зовущих: / пойте Господа и превозносите Его во веки.

Шатание беззаконующих не поколеба сердца твоего столпа, святителю, / но, яко истинен страдалец, славою мучения освятися, блаженне, / венцем Божественнаго благолепия прекрасно удобряемь, / во свете неприступнем ликуеши, зовый: / пойте Господа и превозносите Его во веки.

Богородичен: *Щитом неусыпных Твоих молитв, Пресвятая Дево Владычице, / невреждимо стадо Твое от навет лстываго соблюди / и грехов моих пленницы расторгни, Богоневесто, / Яже узы адовы расторгши Божественным Рождеством Своим, / да Тя яко Богородицу поем и превозносим во веки.*

Песнь 9

Ирмос: *Тебе, виденную дверь Иезекиилем пророком, / еюже никтоже пройде, токмо Бог един, / Богородице Дево, песнями почитаем.*

Единственного Трисобства* Трисиательный Божества Свет благословил еси, / Того единого по достоянию от всех земных предпочел еси, / темже телесе облак совлек, Престолу Того славы предстоиши. / Дерзновение яко имея много, о воспевающих тя молися, / о святителю блаженне.

* Трисобства — трех Лиц.

Юность — наказáние, стáрость — жезл, / сироты — отца, обидимии — предстáтеля, / печáльный — милостивное утешéние — / вси воспоём готóваго и тéплаго заступника, / очима и устнáми любéзны священную тогó рáку лобызáюще и вопиóюще: / о воспеváющих тя моли́ся, о святителю блаженне.

Яко цвет Божéственнаго са́да неувяда́емь, / я́ко крин присноцвету́щ и благоси́янен, / животво́рных вод стру́я нетле́нная / цельбоно́сныя и свяще́нныя тво́я мо́щи, сия́нием Пресвята́го Ду́ха осе́няеми, / Божéственными аромáты благоухáюще пою́щих тя любóвию, о святителю блаженне.

Богорóдичен: О Богоза́рный све́щнице Све́та, / о Божéственныя и Присносу́щныя Сла́вы всеси́ятельное селéние, / Де́во Неискусобра́чная, святителем и проро́ком сла́во и все́я тва́ри украше́ние, / Божéственную трапéзу Хле́ба жи́зни имену́ем Тя, / престóл вы́сокий и превзя́тый, на нёмже почи́ Бог, / спаса́яй воспеváющих Тя, Богоотрокови́це Всепéтая.

Свети́лен:

Свет жити́я твоегó церкóвное просвети́ исполне́ние, / богоси́янно свети́ло яви́лся еси́ ми́рови, / я́ко кипари́с мироухáнен, добродéтельми процветé, / благово́нно ми́ро от честных тво́их мо́щей источáеши, / благоухáя воспеváющих честных тво́их мо́щей пренесéние.

Сла́ва, и ны́не, Богорóдичен:

Свэту невечéрнему жили́ще Богоприятное Твое́ чре́во бысть, Влады́чице, / вселéнней похвалó, Де́во Преблагословéнная, / спаси́ воспеváющих служите́ля Твоегó честных мо́щей пренесéние.

На хвалитех стихи́ры, глас 1.

Подóбен: Прехва́льныи мученицы:

Похва́льными пёсньми, / священную рáку твою́ обстоя́юще, / воспева́ем тя и Божéственнаго благоухáния исполня́емся, святителю, / смра́да страсте́й избавля́ющесея; / моли́ся, мо́лимся, Христóви / дарова́ти душáм нáшим мир и ве́лию мило́сть.

Пото́к сый, я́ве испо́лнь вод Божéственных, / свяще́нная рáка мо́щей тво́их, Фили́ппе святите́-

лю, / Духа благодатию осеняема, священне, / точащи исцеления, / воспевающих тя верою сердца напоет благодатию.

Премудрости Божественныя рачитель быв, священне, / сладкия Того любви стрелою уязвися, / тьму прелести отгна еси, / яко утро благолепно, / Церкви возсия еси, святителю.

Слава, глас 6: Человеке Божий: (зри стр. 290).

И ныне, Богородичен:

Богородице, Ты еси лоза истинная, / возрастившая нам Плод живота, / Тебе молимся: / молюсь, Владычице, со святыми апостолы / помилovati души наша.

На Литургии служба вся святителю.

Молитва

О пречестная и священная главо и благодати Святаго Духа исполненная, Спасово со Отцем обиталище, великий архиерее, телпый наш заступниче, святителю Филиппе! Предстоя у Престола всех Царя, и наслаждаяся Света Единосущныя Троицы, и херувимски со Ангелы возглашая песнь Трисвятую, великое и неизследованное дерзновение имея ко Всемилостивому Владыце, молюсь паствы Христовы спасти люди, благостояние святых церквей утверди, архиереи благолепием святительства украси, монашествующих к подвигам добраго течения укрепи, град Москву и вся грады и страны добре сохрани и веру святую непорочно соблюсти умоли. Мир весь умири, от глада и пагубы избави ны и от нападения иноплеменных сохрани, старыя утеши, юныя накажи, безумныя умудри, вдовицы помилуй, сироты заступи, младенцы возрастити, плененныя возвратити, немощствующия исцели и вездѣ тепле призывающих тя и с верою притекающих к тебе и усердно припадающих и молящихся от всяких напастей и бед ходатайством твоим свободи. Моли о нас Всещедраго и Человеколюбиваго Христа Бога нашего, да и в день страшнаго пришествия Его

шуйяго стояння избавит ны и радости святых прича́тники сотворит со всеми святы́ми во веки. АМИНЬ.

Священномученик Филипп II, Митрополит Московский, был осужден по произволу Иоанна Грозного и приговорен к пожизненному заключению осенью 1568 года. 23 декабря 1569 года он принял мученическую кончину в Тверском Отрочем монастыре: был задушен опричником Малютой Скуратовым. За три дня до этого, предвидя окончание своей земной жизни, святитель Филипп причастился Святых Христовых Таин.

В 1591 году по ходатайству игумена Соловецкого Преображенского монастыря Иакова гроб с нетленным телом святителя Филиппа был перенесен из Твери в Соловецкий монастырь, на место иноческих его подвигов и поставлен сначала в приготовленной святителем Филиппом для себя могиле под папертью созданного им Преображенского храма, а 30 мая 1646 года — торжественно перенесен в Преображенский собор. Чествованию этого события посвящена служба на сей день.

3 июля 1652 года по желанию митрополита Новгородского Никона (впоследствии Святейший Патриарх Московский и всея Руси) совершилось перенесение мощей святителя Филиппа в Москву. В том же году священномученик Филипп был причислен к лику святых Русской Церкви, а его мощи перенесены в Успенский собор в Кремле.

Память священномученика Филиппа ранее совершалась 23 декабря, в день его мученической кончины. Так как эта память совпадала с предпразднством Рождества Христова, во второй половине XVII века ее перенесли на 9 января. Под этим числом она указана в Уставе 1682 года и в Минее 1693 года. Перенесение мощей святителя Филиппа в Москву празднуется 3 июля.

Литература

1. Досифей, архимандрит. Географическое, историческое и статистическое описание ставропигиального первоклассного Соловецкого монастыря. Ч. 1—3. М., 1836.



2. Леонид (Краснопевков), епископ Дмитровский. Жизнь святого Филиппа, Митрополита Московского и всея России.— Душеполезное чтение, 1861, ч. 2, с. 21—83, с. 127—194.

3. История первоклассного ставропигиального Соловецкого монастыря. СПб., 1899.

4. Линд Т. Митрополит Филипп. М., 1913.

5. Федотов Г. П. Святой Филипп, Митрополит Московский. Париж, 1928.

6. Лучин А., диакон. Святитель Филипп, Митрополит Московский, и его служение Церкви. Курсовое сочинение. МДА, 1971.

7. Лихачев Д. С. Соловки в истории русской культуры.— В кн.: Архитектурно-художественные памятники Соловецких островов. М., 1980.

8. Никитин В. Великий игумен Соловецкого монастыря. К 475-летию со дня рождения святителя Московского Филиппа.— Журнал Московской Патриархии, 1983, № 5, с. 11—21.